

Khajikoo Tr'igwinah'in': Gwilyuu Zrii' 16, 2011

Chief Public Health Officer vigwitr'it dehk'it danh gwàts'at

Yee'òk Dachan Tat Gwijùuk'an Geenjit Srigwandaii Kàt Łat Nà'ah'ee Geenjit Zhàn Nilii

Nakhwàh łat nà'ah'eh jì' chan diindèe'eenjit ìizuu, treechù' gwahtsii, koh diidhakhaii ts'at diintsih chù' gòonlii gwik'it gwahtsii. Drin lei gò drin k'ideetak gwiinleii diiyàh łat nà'ah'ee gòonlii jì', diidrihdòk chan gwiheezuu gò tr'aakoh chan duulèh gwik'it gwatahtsaa.

Aii jidii łat tat łits'ih gòonlii t'at gwiye'e'oo gaogoonuu t'agòonch'ùh. Jii t'at diidrihdòk łi' hàh diizhìt ndaadhàk. Łits'ih k'ìighe' łi' hàh tr'aakoh gwàt nehsrit tr'adazhak lòo diiyeenjit gògwiheetrii. Łat chan diiyeenjit ìizuu, duulèh adài' hee nehsrit tr'adazhak, ts'èet'at k'ìighe' diizhìt gwiłts'ik gwiinchii akòò ts'at geetàk diidrii eenjit gògwiheetrii gwahtsii. Anjòò kat ts'at tr'iinin tsal kat gooveenjit gògwiheetrii t'agòonch'ùh.

Nakhwakaiik'it gwizhìt duulèh łat nà'ah'ee gòonlii jì' jùhts'ants'at akòò t'òkhwè'ii:

1. Nakhwezheh gwizhìt gwizrih t'ohch'uh, vinji'aa'yaa ts'at gihdiniivyaa tthak lòo gihdè'dìnohchih.
2. Ejìdhohk'an kwaa. Juudìn akòò t'idi'ii kat gooch'ì' adik'ànòhtìi.
3. Jidii iitsii nilii jidii tr'adazhak sruudinuu gwahtsii chan shik vizhìt t'ohthàn, duulèh vinjit tr'adazhak t'idi'ii gòonlii jì' t'at gwiheezaa.
4. Ìitsii vizhìt troo jùuk'an, iitsii khaii drinh jùuk'an gòò khaii jùuk'an hoh'ii t'at vat'adòhch'uh kwàa. Diizheh gwizhìt jidii tr'adazhak t'at gwiheezuu gwahtsii.

5. Ìitsii khał vizhìt t'ohch'uu dàì' aii jidiì iitsii yee'òk gwàts'at nàdìniintr'aìh jì' t'at vat'àdohch'uh kwàa; jidiì vizhìt nàdìniintr'aìh jì' gwizraiìh vat'àdohch'ùh chan gwiheezaa.
6. Shìh tr'iilee chan vake'ohch'uu chan giiniindhan, vake'ohch'uh jì' (lì' hàh vake'ohch'uu khaiì hàh gòo tr'ahvir) chan nakhwezheh gwizhìt jidiì tr'adazhak chan gwiheezuu gwahtsiì.
7. Nekhwintsìh gòo nekhwezhiìk gwatrah gòonliì gwahtsiì geenjit chuu leii khwinii.
8. Gatr'igiinkhih jì' geenjit oochìdhoozhìn'.
9. Geetàk hee łat gòonliìh jì' t'at duulèh jidiì chiitaiì gwitsii'in gòonliì chan vakwaa tr'agwahtsiì gòo ejùk natr'ahahtsaa geenjit gàtookhwindàih.
10. Diidrihdòk chan tr'adazhak gògòotrih jì' t'at, nehsrit tr'adazhak, diidrihdòk gàsrah nji'ee, duuyeh tr'adazhak gòo chuukhwindak nakhwàh gòonliìh jì' aii Elts'ik K'ànahtii àniidhòk akòo t'agoovohnùu. Gàh ts'ik hoh'ii kwah jì' tth'aìh akòo t'òkhwè'ii.
11. Chiitaiì gwitr'it t'agoh'ih gòo gwiliì t'òkhwe'ii gàh chuukhwindak gwahtsiì ekhè' goonùu. Tr'iinin tsal kat chan chiitaiì gwà'àn tsiigidi'ii geenjit dàhshùk chan ejùk gohtsiì.
12. Nakhwineh'òk kat, nakhwalàk kat akòo ts'at nakhwadàazhiì kat geetàk hee gooveenòhjaa, tthak ts'at gwijizii t'àngiinch'uh jì' geenjit. Anjòo kat gòo goolàt kat juudìn goodriì' nehsrijàhch'uu gòonliì kat hàh duulèh hahts'ik geenjit guqkànohtliì. Geetàk hee zheh gwizhìt vinji'aa'yaa ts'at gihdìniivvaa tthak lòo gihdè'tr'idiniintinh dàì' gwizhìt gwehnèedhàa. Vik'lighe' thah goodhahkhàiì gòo duuyeh gwijizii tr'adazhak gwik'it gwahtsiì geenjit guqkànohtliì. Aii fan akòo dìinch'ii gwat'àdohch'uu jidiì tr'adazhak nihk'yùu nahahr'aìh geenjit.
13. Jidiì diinìn' tàgwìltsi' chan diits'at tr'iinjii kwàa. Łits'ih tsinh gòonliì geetàk hee vizhìt nahahr'aìi gòo gehgòo t'idi'ii t'agòonch'ùu. Zheh gwizhìt t'ohch'uh jì' tthak ts'at gihdè'tr'idiniintinh hàh geenjit gwiheezaa.

Juudìn kat didrìi' gòò didrihdòk hàh alts'ik jùu t'agòonch'uu adats'at tr'iinjii geenjit:

1. Jidii didrihdòk hàh alts'ik chan gòò didrìi' hàh alts'ik, nehsrit tr'adazhak hàh alts'ik kat chan gwìizii adik'anohtii. Jidii agòondàii nakhwats'an ahtsii oonqhnjii nakhwagàhnuu, ts'at jidii nakhwetr'àhnuh jì' chan gwìk'it akòò t'òkhwè'ii. Drin k'ideetak nakhwa'agòondàii hoh'ii geenjit akòò t'òkhwè'ii.
2. Jidii iitsii tr'adazhak sruudinuu gwahtsii gòò nàdiniintr'aai ahtsii, nakhwezheh dàhchii eenjit oovookàt, lat nà'ah'ee gwichih akòò t'òkhwè'ii gadiinjigidizhìt.
3. Jidii geenjit gaviidàndai' nohthan jì' srìigqndaii geenjit elts'ik k'anahtii vits'at ginohkhii.

Tth'aih hee jii geenjit gaviidàndai' yinohthan jì':

Chief Public Health Officer vigwitr'it deek'it danh vits'at ginohkhii, jii ihdichìh ts'at (867) 920-8877.

Ìitsii ganadhindaii kak duulèh jii gwizhìt gwinoh'ii:

www.hlthss.gov.nt.ca (NWT Srìigwandaii Eenjit Khehlòk Nìlii Social Services Kat Hàh)

www.air.enr.gov.nt.ca/NWTAQ/currentairquality.aspx?serialcode=12 (NWT Nan Diinagòò'ee Eenjit ts'at Natural Resources)

www.enr.gov.nt.ca (NWT Nan Diinagòò'ee Eenjit ts'at Natural Resources)